

特35
910

教
行
信
証

255
518

017604-001-2

特35-910

教行信証

親鸞/著

M45.4

ABF-0398



顯淨土眞實教行證文類序

竊以難思弘誓度難度海大船無礙光明破
無明闇慧日然則淨邦緣熟調達闍世興逆
害淨業機彰釋迦韋提選安養斯乃權化仁
齊救濟苦惱群萌世雄悲正欲惠逆謗闍提
故知圓融至德嘉號轉惡成德正智難信金
剛信樂除疑獲證眞理也爾者凡小易修眞
教愚鈍易往捷徑大聖一代教無如是之德

明治

45. 4. 19

丙寅

海捨穢忻淨，迷行惑信心昏，識寡惡重障多，特仰如來發遣，必歸最勝直道，專奉斯行，唯崇斯信，噫弘誓強緣，多生叵值，眞實淨信，億劫叵獲，遇獲行信，遠慶宿緣，若也此，廻覆蔽疑網，更復逕歷曠劫，誠哉攝取不捨，眞言超世希有，正法聞思，莫遲慮爰，思禿釋親鸞慶哉，西蕃月支，聖典東夏日域，師釋難遇，今得遇難聞，已得聞，敬信眞宗，教行證，特知如來，

恩德深斯，以慶所聞，嘆所獲矣。

大無量壽經

眞實之教
淨土眞宗

- 顯真實教一
- 顯真實行二
- 顯真實信三
- 顯真實證四
- 顯真佛土五
- 顯化身土六

顯淨土真實教文類一

愚禿釋親鸞集

謹按淨土真宗有二種廻向一者往相二者還相就往相廻向有真實教行信證

夫顯真實教者則大無量壽經是也斯經大意者彌陀超發於誓廣開法藏致哀凡小選施功德之寶釋迦出興於世光闡道教欲拯群萌惠以真實之利是以說如來本願為經

宗致卽以佛名號爲經體也何以得知出世
大事大無量壽經言今日世尊諸根悅豫姿
色清淨光顏巍巍如明鏡淨影暢表裏威容
顯曜超絕無量未曾瞻覩殊妙如今唯然大
聖我心念言今日世尊住奇特法今日世雄
住佛所住今日世眼住導師行今日世英住
最勝道今日天尊行如來德去來現佛佛佛
相念得無今佛念諸佛邪何故威神光光乃

爾於是世尊告阿難曰諸天教汝來問佛邪
自以慧見問威顏乎阿難白佛無有諸天來
教我者自以所見問斯義耳佛言善哉阿難
所問甚快發深智慧眞妙辯才愍念衆生問
斯慧義如來以無蓋大悲矜哀三界所以出
興於世光闡道教欲拯群萌惠以眞實之利
無量億劫難值難見猶靈瑞華時時乃出今
所問者多所饒益開化一切諸天人民阿難

當知如來正覺其智難量多所導御慧見無礙無能遏絕上已無量壽如來會言

阿難白佛言世尊我見如來光瑞希有故發斯念非因天等佛告阿難善哉善哉汝今快問善能觀察微妙辯才能問如來如是之義汝為一切如來應正等覺及安住大悲利益群生如優曇華希有大士出現世間故問斯義又為哀愍利樂諸有情故能問如來如是

之義上已

平等覺經言佛告阿難如世間有優曇鉢樹但有實無有華天下有佛乃華出耳世間有佛甚難得值今我作佛出於天下若有大德聰明善心豫知佛意若不安在佛邊侍佛也若今所問善聽諦聽上已憬興師云今日世尊住奇特法依神通輪所現之相非唯異亦無等者故今日世雄住佛所住住普等三昧能制衆魔雄健天故今日世眼住導師行五眼名導師行引導衆生

無過上故

今日世英住最勝道

佛住四智獨秀無匹故

今日天尊行

如來德

即第一義天以佛性不空義故

阿難當知如來正覺

即奇特之法

慧見無礙

述最勝之道

無能遏絕

即如來

已上

爾者則是顯真實教明證也誠是如來興世之正說奇特最勝之妙典一乘究竟之極說速疾圓融之金言十方稱讚之誠言時機純熟之真教也應知

顯淨土真實教文類一

諸佛稱名之願

真實之行

顯淨土真實行文類二

謹按往相廻向有大行有大信大行者則稱無礙光如來名斯行即是攝諸善法具諸德本極速圓滿真如一實功德寶海故名大行然斯行者出於大悲願即是名諸佛稱揚之願復名諸佛稱名之願復名諸佛咨嗟之願亦可名往相廻向之願亦可名選擇稱名之願也諸佛稱名願大經言設我得佛十方世

界無量諸佛不悉咨嗟稱我名者不取正覺
已又言我至成佛道名聲超十方究竟靡所
聞誓不成正覺爲衆開寶藏廣施功德寶常
於大衆中說法師子吼要抄願成就文經言十
方恒沙諸佛如來皆共讚嘆無量壽佛威神
功德不可思議已又言無量壽佛威神無極
十方世界無量無邊不可思議諸佛如來莫
不稱嘆於彼已又言其佛本願力聞名欲往

生皆悉到彼國自致不退轉已無量壽如來
會言今對如來發弘誓當證無上菩提因若
不滿足諸上願不取十力無等尊心或不堪
常行施廣濟貧窮免諸苦利益世間使安樂
至乃最勝丈夫修行已於彼貧窮爲伏藏圓滿
善法無等倫於大衆中師子吼抄已出又言阿
難以此義利故無量無數不可思議無有等
等無邊世界諸佛如來皆共稱讚無量壽佛

所有功德_上佛說諸佛阿彌陀三耶三佛薩
樓佛檀過度人道經言第四願使某作佛時
令我名字皆聞八方上下無央數佛國皆令
諸佛各於比丘僧大衆中說我功德國土之
善諸天人民蜎飛蠕動之類聞我名字莫不
慈心歡喜踊躍者皆令來生我國得是願乃
作佛不得是願終不作佛_上無量清淨平等
覺經卷上言我作佛時令我名聞八方上下

無數佛國諸佛各於弟子衆中嘆我功德國
土之善諸天人民蠕動之類聞我名字皆悉
踊躍來生我國不爾者我不作佛我作佛時
他方佛國人民前世爲惡聞我名字及正爲
道欲來生我國壽終皆令不復更三惡道則
生我國在心所願不爾者我不作佛阿闍世
王太子及五百長者子聞無量清淨佛二十
四願皆大歡喜踊躍心中俱願言令我等後

作佛時皆如無量清淨佛佛則知之告諸比丘僧是阿闍世王太子及五百長者子却後無央數劫皆當作佛如無量清淨佛佛言是阿闍世王太子五百長者子作菩薩道以來無央數劫皆各供養四百億佛已今復來供養我是阿闍世王太子及五百人等皆前世迦葉佛時爲我作弟子今皆復會是共相值也則諸比丘僧聞佛言皆心踊躍莫不歡喜

者上至乃

如是人聞佛名快安穩得大利
吾等類得是德諸此刹獲所好
無量覺授其決我前世有本願
一切人聞說法皆悉來生我國
吾所願皆具足從衆國來生者
皆悉來到此間一生得不退轉
速疾超便可到安樂國之世界

至無量光明土 供養於無數佛
 非有是功德人 不得聞是經名
 唯有清淨戒者 乃逮聞斯正法
 惡憍慢蔽懈怠 難以信於此法
 宿世時見佛者 樂聽聞世尊教
 人之命希可得 佛在世甚難值
 有信慧不可致 若聞見精進求
 聞是法而不忘 便見敬得大慶

則我之善親厚 以是故發道意
 設令滿世界火 過此中得聞法
 會當作世尊將 度一切生老死上已
 悲華經大施品之二卷言三藏譯願我成阿耨
 多羅三藐三菩提已無量無邊阿僧祇餘佛
 世界所有衆生聞我名者修諸善本欲生我
 界願其捨命之後必定得生唯除五逆誹謗
 聖人廢壞正法 爾者稱名能破衆生一切

無明能滿衆生一切志願稱名則是最勝眞妙正業正業則是念佛念佛則是南無阿彌陀佛南無阿彌陀佛卽是正念也可知十住毘婆沙論曰有人言般舟三昧及大悲名諸佛家從此二法生諸如來此中般舟三昧爲父又大悲爲母復次般舟三昧是父無生法忍是母如助菩提中說般舟三昧父大悲無生母一切諸如來從是二法生家無過咎者

家清淨故清淨者六波羅蜜四功德處方便般若波羅蜜善慧般舟三昧大悲諸忍是諸法清淨無有過故名家清淨是菩薩以此諸法爲家故無有過咎轉於世間道入出世上道者世間道名卽是凡夫所行道轉名休息凡夫道者不能究竟至涅槃常往來生死是名凡夫道出世間者因是道得出三界故名出世間道上者妙故名爲上入者正行道故

名爲入以是心入初地名歡喜地問曰初地何故名爲歡喜答曰如得於初果究竟至涅槃菩薩得是地心常多歡喜自然得增長諸佛如來種是故如是人得名賢善者如得初果者如人得須陀洹道善閑三惡道門見法入法得法住堅牢法不可傾動究竟至涅槃斷見諦所斷法故心大歡喜設使睡眠懶惰不至二十九有如以一毛爲百分以一分毛

分取大海水若二三滂苦已滅如大海水餘未滅者如二三滂心大歡喜菩薩如是得初地已名生如來家一切天龍夜叉乾闥婆至乃聲聞辟支等所共供養恭敬何以故是家無有過咎故轉世間道入出世間道但樂敬佛得四功德處得六波羅蜜果報滋味不斷諸佛種故心大歡喜是菩薩所有餘苦如二三水滂雖百千億劫得阿耨多羅三藐三菩提

於無始生死苦如二三水滸所可滅苦如大海水是故此地名爲歡喜問曰初歡喜地菩薩在此地中名多歡喜爲得諸功德故歡喜爲地法應歡喜以何而歡喜答曰常念於諸佛及諸佛大法必定希有行是故多歡喜如是等歡喜因緣故菩薩在初地中心多歡喜念諸佛者念然燈等過去諸佛阿彌陀等現在諸佛彌勒等將來諸佛常念如是諸佛世

尊如現在前三界第一無能勝者是故多歡喜念諸佛大法者略說諸佛四十不共法一自在飛行隨意二自在變化無邊三自在所聞無闕四自在以無量種門知一切衆生心至乃念必定諸菩薩者若菩薩得阿耨多羅三藐三菩提記入法位得無生忍千萬億數魔之軍衆不能壞亂得大悲心成大人法至乃是名念必定菩薩念希有行者念必定菩薩第

一希有行，令心歡喜。一切凡夫所不能及。一切聲聞辟支佛所不能行。開示佛法無閼解脫及薩婆若智。又念十地諸所行法，名爲心多歡喜。是故菩薩得入初地名爲歡喜。問曰：有凡夫人未發無上道心，或有發心者未得歡喜地。是人念諸佛及諸佛大法，念必定菩薩及希有行，亦得歡喜得初地。菩薩歡喜與此人有何差別？答曰：菩薩得初地，其心多歡

喜諸佛無量德，我亦定當得得初地。必定菩薩念諸佛有無量功德，我當必得如是之事。何以故？我已得此初地，入必定中。餘者無有是心，是故初地菩薩多生歡喜。餘者不爾，何以故？餘者雖念諸佛，不能作是念。我必當作佛。譬如轉輪聖子，生轉輪王家，成就轉輪王相。念過去轉輪王功德尊貴，作是念：我今亦有是相，亦當得是豪富尊貴，心大歡喜。若無

轉輪王相者無如，是喜必定，菩薩若念諸佛及諸佛大功德威儀尊貴，我有是相，必當作佛，卽大歡喜餘者無有是事，定心者深入佛法，心不可動，又云信力增上者，信名有所聞見，必受無疑，增上名殊勝，問曰有二種，增上一者多，二者勝，今說何者？答曰：此中二事俱說，菩薩入初地得諸功德味，故信力轉增，以是信力，籌量諸佛功德無量深妙，能信受是

故此心亦多，亦勝，深行大悲者，愍念衆生，徹入骨髓，故名爲深，爲一切衆生求佛道，故名爲大，慈心者常求利事，安穩衆生，慈有三種，至乃又曰佛法有無量門，如世閒道有難有易，陸道步行則苦，水道乘船則樂，菩薩道亦如是，或有勤行精進，或有以信方便易行，疾至阿惟越致者，至乃若人疾欲至不退轉地者，應以恭敬心執持稱名號，若菩薩欲於此身得

至阿惟越致地成阿耨多羅三藐三菩提者
應當念是十方諸佛稱其名號如寶月童子
所問經阿惟越致品中說至乃西方善世界佛
號無量明身光智慧明所照無邊際其有聞
名者即得不退轉至乃過去無數劫有佛號海
德是諸現在佛皆從彼發願壽命無有量光
明照無極國土甚清淨聞名定作佛至乃問曰
但聞是十佛名號執持在心便得不退阿耨

多羅三藐三菩提為更有餘佛餘菩薩名得
至阿惟越致邪答曰阿彌陀等佛及諸大菩
薩稱名一心念亦得不退轉如是阿彌陀等
諸佛亦應恭敬禮拜稱其名號今當具說無
量壽佛世自在王佛乃至有其餘佛是諸佛世尊現在
十方清淨世界皆稱名憶念阿彌陀佛本願
如是若人念我稱名自歸即入必定得阿耨
多羅三藐三菩提是故常應憶念以偈稱讚

無量光明慧身如真金山我今身口意
合掌稽首禮至乃人能念是佛無量力功德
卽時入必定是故我常念至乃若人願作佛
心念阿彌陀應時爲現身是故我歸命
彼佛本願力十方諸菩薩來供養聽法
是故我稽首至乃若人種善根疑則華不開
信心清淨者華開則見佛十方現在佛
以種種因緣嘆彼佛功德我今歸命禮至乃

乘彼八道船能度難度海自度亦度彼
我禮自在人諸佛無量劫讚揚其功德
猶尙不能盡歸命清淨人我今亦如是
稱讚無量德以是福因緣願佛常念我出抄
淨土論曰我依修多羅真實功德相說願偈
摠持與佛教相應觀佛本願力遇無空過者
能令速滿足功德大寶海又曰菩薩入四種
門自利行成就應知菩薩出第五門廻向利

益他行成就應知菩薩如是修五門行自利
利他速得成就阿耨多羅三藐三菩提故出抄
論註曰謹案龍樹菩薩十住毘婆沙云菩薩
求阿毘跋致有二種道一者難行道二者易
行道難行道者謂於五濁之世無佛時求阿
毘跋致為難此難乃有多途粗言五三以示
義意一者外道相反修替善亂菩薩法二者聲
聞自利障大悲悲三者無顧惡人破他勝德

四者顛倒善果能壞梵行五者唯是自力無
他力持如斯等事觸目皆是譬如陸路步行
則苦易行道者謂但以信佛因緣願生淨土
乘佛願力便得往生彼清淨土佛力住持即
入大乘正定之聚正定即是阿毘跋致譬如
水路乘船則樂此無量壽經優婆提舍蓋上
衍之極致不退之風航者也無量壽是安樂
淨土如來別號釋迦牟尼佛在王舍城及舍

衛國於大衆之中說無量壽佛莊嚴功德卽以佛名號爲經體後聖者婆藪槃頭菩薩服膺反一升如來大悲之教傍經作願生偈上巳又云又所願不輕若如來不加威神將何以達乞加神力所以仰告我一心者天親菩薩自督之詞言念無礙光如來願生安樂心心相續無他想間雜至乃歸命盡十方無礙光如來者歸命卽是禮拜門盡十方無礙光如來卽

是讚嘆門何以知歸命是禮拜龍樹菩薩造阿彌陀如來讚中或言稽首禮或言我歸命或言歸命禮此論長行中亦言修五念門五念門中禮拜是一天親菩薩旣願往生豈容不禮故知歸命卽是禮拜然禮拜但是恭敬不必歸命歸命必是禮拜若以此推歸命爲重偈申已心宜言歸命論解偈義汎談禮拜彼此相成於義彌顯何以知盡十方無礙光

如來是讚嘆門下長行中言云何讚嘆謂稱彼如來名如彼如來光明智相如彼名義欲如實修行相應故至乃天親今言盡十方無礙光如來卽是依彼如來名如彼如來光明智相讚嘆故知此句是讚嘆門願生安樂國者此一句是作願門天親菩薩歸命之意也至乃問曰大乘經論中處處說衆生畢竟無生如虛空云何天親菩薩言願生邪答曰說衆生

無生如虛空有二種一者如凡夫所謂實衆生如凡夫所見實生死此所見事畢竟無所有如龜毛如虛空二者謂諸法因緣生故卽是不生無所有如虛空天親菩薩所願生者是因緣義因緣義故假名生非如凡夫謂有實衆生實生死也問曰依何義說往生答曰於此間假名人中修五念門前念與後念作因穢土假名人淨土假名人不得決定一不

得決定異前心後心亦復如是何以故若一則無因果若異則非相續是義觀一異門論中委曲釋第一行三念門竟至乃我依修多羅真實功德相說願偈總持與佛教相應至乃何所依何故依云何依何所依者依修多羅何故依者以如來卽真實功德相故云何依者修五念門相應故至乃修多羅者十二部經中直說者名修多羅謂四阿含三藏等外大乘

諸經亦名修多羅此中言依修多羅者是三藏外大乘修多羅非阿含等經也真實功德相者有二種功德一者從有漏心生不順法性所謂凡夫人天諸善人天果報若因若果皆是顛倒皆是虛偽是故名不實功德二者從菩薩智慧清淨業起莊嚴佛事依法性入清淨相是法不顛倒不虛偽名真實功德云何不顛倒依法性順二諦故云何不虛偽攝

衆生入畢竟淨故說願偈總持與佛教相應者持名不散不失總名以少攝多至乃願名欲樂往生至乃與佛教相應者譬如函蓋相稱也至乃云何廻向不捨一切苦惱衆生心常作願廻向爲首得成就大悲心故廻向有二種相一者往相二者還相往相者以已功德廻施一切衆生作願共往生阿彌陀如來安樂淨土聖安樂集云觀佛三昧經云令勸父王行

念佛三昧父王白佛佛地果德眞如實相第一義空何因不遣弟子行之佛告父王諸佛果德有無量深妙境界神通解脫非是凡夫所行境界故勸父王行念佛三昧父王白佛念佛之功其狀云何佛告父王如伊蘭林方四十由旬有一科牛頭梅檀雖有根芽猶未出土其伊蘭林唯臭無香若有嗽其華菓發狂而死後時梅檀根芽漸漸生長纔欲成樹

香氣昌盛，遂能改變。此林普皆香美，衆生見者皆生希有心。佛告父王：一切衆生在生死中念佛之心，亦復如是。但能繫念不止，定生佛前，一得往生，卽能改變。一切諸惡成，大慈悲如彼香樹。改伊蘭林，所言伊蘭林者，喻衆生身內三毒三障無邊重罪。言栴檀者，喻衆生念佛之心。纔欲成樹者，謂一切衆生但能積念不斷，業道成辨也。問曰：計一切衆生念

佛之功，亦應一切知。何因一念之功力能斷一切諸障？如一香樹，改四十由旬伊蘭林，悉使香美也。答曰：依諸部大乘顯念佛三昧，功能不可思議也。何者？如華嚴經云：譬如有人用師子筋，以爲琴絃，音聲一奏，一切餘絃悉皆斷壞。若人菩提心中行念佛三昧者，一切煩惱一切諸障悉皆斷滅。亦如有人搆取牛羊驢馬一切諸乳，置一器中，若將師子乳一

滯投之直過無難一切諸乳悉皆破壞變爲
清水若人但能菩提心中行念佛三昧者一
切惡魔諸障直過無難又彼經云譬如有人
持翳身藥處處遊行一切餘行不見是人若
能菩提心中行念佛三昧者一切惡神一切
諸障不見是人隨所詣處無能遮障也何故
能爾此念佛三昧卽是一切三昧中王故也
又云如摩訶衍中說云諸餘三昧非不二昧

何以故或有三昧但能除貪不能除瞋癡或
有三昧但能除瞋不能除癡貪或有三昧但
能除癡不能除瞋或有三昧但能除現在障
不能除過去未來一切諸障若能常修念佛
三昧無間現在過去未來一切諸障皆除也
又云大經讚云若聞阿彌陀德號歡喜讚仰
心歸依下至一念得大利則爲具足功德寶
設滿大千世界火亦應直過聞佛名聞阿彌

陀不復退。是故至心稽首禮。又云又如目連所問經。佛告目連。譬如萬川長流。有浮草木。前不顧後。後不顧前。都會大海。世間亦爾。雖有豪貴富樂自在。悉不得免。生老病死。只由不信佛經。後世爲人。更甚困劇。不能得生千佛國土。是故我說。無量壽佛國。易往易取。而人不能修行。往生反事。九十五種邪道。我說。是人名無眼。人名無耳。人經教既爾。何不捨。

難依。易行道矣。光明寺和尚云。又如文殊般若云。欲明一行三昧。唯勸獨處。空閑。捨諸亂意。係心一佛。不觀相貌。專稱名字。卽於念中得見彼阿彌陀佛。及一切佛等。問曰。何故不令作觀。直遣專稱名字。者有何意也。答曰。乃由衆生障重。境細心麤。識颺神飛。觀難成就。也是以大聖悲憐。直勸專稱名字。正由稱名易故。相續卽生。問曰。既遣專稱一佛。何故。

境現卽多，此豈非邪正相交，一多雜現也。答曰：佛佛齊證，形無二別。縱使念一見多，乖何大道理也。又如觀經云：行觀座觀禮念等，皆須面向西方者，最勝如樹先傾倒，必隨曲。故必有事礙，不及向西方者，但作向西想，亦得。問曰：一切諸佛三身同證，悲智果圓，亦應無二隨方禮念。課稱一佛，亦應得生。何故偏嘆西方勸專禮念等，有何義也。答曰：諸佛所證

平等是一。若以願行來收，非無因緣。然彌陀世尊本發深重誓願，以光明名號攝化十方。但使信心求念上盡一形，下至十聲一聲等，以佛願力易得往生。是故釋迦及以諸佛勸向西方爲別異耳。亦非是稱念餘佛不能除障滅罪也。應知若能如上念念相續，畢命爲期者，十卽十生，百卽百生。何以故無外雜緣得正念，故與佛本願得相應，故不違教。故隨

順佛語故也又云唯觀念佛衆生攝取不捨故名阿彌陀也又云彌陀智願海深廣無涯底聞名欲往生皆悉到彼國設滿大千火直過聞佛名聞名歡喜讚皆當得生彼萬年三寶滅此經住百年爾時聞一念皆當得生彼要抄又云現是生死凡夫罪障深重輪迴六道苦不可言今遇善知識得聞彌陀本願名號一心稱念求願往生願佛慈悲不捨本弘誓

願攝受弟子也又云問曰稱念禮觀阿彌陀佛現世有何功德利益答曰若稱阿彌陀佛一聲卽能除滅八十億劫生死重罪禮念已下亦如是十往生經云若有衆生念阿彌陀佛願往生者彼佛卽遣二十五菩薩擁護行者若行若坐若住若臥若晝若夜一切時一切處不令惡鬼惡神得其便也又如觀經云若稱禮念阿彌陀佛願往生彼國者彼佛卽

遺無數化佛無數化觀音勢至菩薩護念行者復與前二十五菩薩等百重千重圍遶行者不問行住坐臥一切時處若晝若夜常不離行者今既有斯勝益可憑願諸行者各須至心求往又如無量壽經云若我成佛十方衆生稱我名號下至十聲若不生者不取正覺彼佛今現在成佛當知本誓重願不虛衆生稱念必得往生又如彌陀經云若有衆生

聞說阿彌陀佛卽應執持名號若一日若二日乃至七日一心稱佛不亂命欲終時阿彌陀佛與諸聖衆現在其前此人終時心不顛倒卽得往生彼國佛告舍利弗我見是利故說是言若有衆生聞是說者應當發願願生彼國次下說云東方如恒河沙等諸佛南西北方及上下一一方如恒河沙等諸佛各於本國出其舌相徧覆三千大千世界說誠實

言汝等衆生皆應信是一切諸佛所護念經云何名護念經若有衆生稱念阿彌陀佛若七日及一日下至一聲乃至十聲一念等必得往生證成此事故名護念經次下文云若稱佛往生者常爲六方恒河沙等諸佛之所護念故名護念經今既有此增上誓願可憑諸佛子等何不勵意去也

智者善法師和尙禮懺也依之下

又云言弘願者如大經說一切善惡凡夫得

生者莫不皆乘阿彌陀佛大願業力爲增上緣也又云言南無者卽是歸命亦是發願回向之義言阿彌陀佛者卽是其行以斯義故必得往生又云言攝生增上緣者如無量壽經四十八願中說佛言若我成佛十方衆生願生我國稱我名字下至十聲乘我願力若不生者不取正覺此卽是願往生行人命欲終時願力攝得往生故名攝生增上緣又云

欲使善惡凡夫回心起行盡得往生此亦是
 證生增上緣也又云門門不同八萬四為滅
 無明果業因利劍即是彌陀號一聲稱念罪
 皆除微塵故業隨智滅不覺轉入真如門得
 免娑婆長劫難特蒙知識釋迦恩種種思量
 巧方便選得彌陀弘誓門也抄要爾者南無之
 言歸命歸言也又歸說也說字又歸說也
 說字稅音悅稅二音告也命言業也招引也使也放也是

說字 稅音悅稅二音告也 述也宜述人意也

命言

業也招引也使也放也 道也信也計也召也

是以

歸命者本願招喚之勅命也言發願回向者
 如來已發願回施衆生行之心也言即是其
 行者即選擇本願是也言必得往生者彰獲
 至不退位也經言即得釋云必定即言由聞
 願力光闡報土真因決定時尅之極促也必
 言審也然也分極也金剛心成就之貌也淨
 土五會念佛略法事儀讚云夫如來設教廣
 略隨根終歸乎實相得真無生者孰能與於

此哉然念佛三昧是真無上深妙門矣以彌陀法王四十八願名號爲佛事願力度衆生至乃如來常於三昧海中舉網縵手謂父王曰王今坐禪但當念佛豈同離念求乎無念離生求於無生乎離相好求乎法身離文求解脫至乃爾大哉至理眞法一如化物利人弘誓各別故我釋迦應生於濁世阿彌陀出現於淨土方雖穢淨兩殊利益齊一若易修易證

眞唯淨土教門然彼西方殊妙難比其國土也嚴以百寶蓮敷九品以收人其佛名號也

至乃依稱讚淨土經釋法照

如來尊號甚分明 十方世界普流行
但有稱名皆得往 觀音勢至自來迎
彌陀本願特起殊 慈悲方便引凡夫
一切衆生皆度脫 稱名卽得罪消除
凡夫若得到西方 曠劫塵沙罪消滅

具六神通得自在，
依佛本行經法照
若箇道理是真宗，
一一子細莫朦朧，
持戒坐禪名正法，
不取佛言名外道，
正法能超出世間，
念佛三昧是真宗。

永除老病離無常，
何者名之爲正法，
好惡今時須決擇，
正法能超出世間，
念佛成佛是真宗，
撥無因果見爲空，
禪律如何是正法，
見性了心便是佛。

如何道理不相應抄略
西方進道勝娑婆，
成佛不勞諸善業，
五濁修行多退轉，
到彼自然成正覺，
萬行之中爲急要，
不但本師金口說，
此界一人念佛名。

依阿彌陀經
緣無五欲及邪魔，
華臺端坐念彌陀，
不如念佛往西方，
還來苦界作津梁，
迅速無過淨土門，
十方諸佛共傳證，
西方便有一蓮生。

但使一生常不退

此華還到此間迎

抄略 依般舟三昧經

慈感和尚

今日道場諸眾等

恒沙曠劫摠經來

度此人身難值遇

喻若優曇華始開

正值希聞淨土教

正值念佛法門開

正值彌陀弘誓喚

正值大眾信心回

正值今日依經贊

正值結契上華臺

正值道場無魔事

正值無病總能來

正值七日功成就

四十八願要相携

普勸道場同行者

努力回心歸去來

借問家鄉何處在

極樂池中七寶臺

彼佛因中立弘誓

聞名念我總迎來

不簡貧窮將富貴

不簡下智與高才

不簡多聞持淨戒

不簡破戒罪根深

但使廻心多念佛

能令瓦礫變成金

寄語現前大眾等

同緣去者早相尋

借問相尋何處去

報導彌陀淨土中

借問何緣得生彼

報導念佛自成功

借問今生多罪障

如何淨土肯相容

報導稱名罪消滅

喻若明燈入闇中

借問凡夫得生否

如何一念闍中明

報導除疑多念佛

彌陀決定自親近

抄略 依新無量壽觀經

法照

十惡五逆至愚人

永劫沈淪在久塵

一念稱得彌陀號

至彼還同法性身

上已 憬興師云如來廣說有二初廣說如來淨

土因果即所行所成也後廣顯衆生往生因

果即所攝所益也又云悲華經諸菩薩本授

記品云爾時寶藏如來讚轉輪王言善哉善

哉至乃大王汝見西方過百千萬億佛土有世

界名尊善無垢彼界有佛名尊音王如來至乃

今現在為諸菩薩說於正法至乃純一大乘清

淨無雜其中衆生等一化生亦無女人及其
名字彼佛世界所有功德清淨莊嚴悉如大
王所願無異至乃今改汝字爲無量清淨上已無
量壽如來會云廣發如是大弘誓願皆已成
就世間希有發是願已如實安住種種功德
具足莊嚴威德廣大清淨佛土上已又云福智
二嚴成就故備施等衆生行也以已所修利
衆生故令功德成又云籍久遠因值佛聞法

可慶喜故又云人聖國妙誰不盡力作善願
生因善既成不自獲果故云自然不簡貴賤
皆得往生故云著無上下又云易往而無人
其國不逆違自然之所牽修因即往無修生
妙修因來生終不違逆即易往也又云本願
力故願即往誓願之力滿足願故願無缺故明了願故求之不虛故堅
固願故緣不能壞故究竟願故必果遂故又云總而言之
欲令凡小增欲往生之意故須顯彼土勝又

云既言於此土修菩薩行，卽知無諍王在於此方寶海。亦然又云聞佛威德廣大，故得不退轉也。上巳樂邦文類云：總官張掄云：佛號甚易持，淨土甚易往，八萬四千法門無如是之捷徑，但能輟清晨俛仰之暇，遂可爲永劫不壞之資。是則用力甚微而收功乃無有盡，衆生亦何苦自棄而不爲乎？噫！夢幻非眞，壽夭難保，呼吸之頃卽是來生，一失人身，萬劫不

復。此時不悟，佛如衆生，何願深念於無常，勿徒貽於後悔。淨樂居士張掄勸緣。上巳台教祖師山陰法慶師文云：良由佛名從眞應身而建立，故從慈悲海而建立，故從誓願海而建立，故從智慧海而建立，故從法門海而建立，故若但專稱一佛名號，則是具稱諸佛名號功德無量，能滅罪障，能生淨土，何必生疑乎。上巳律宗祖師元照云：况我佛大慈開示淨土，慇懃

勸囑徧諸大乘目見耳聞特生疑謗自甘沈溺不慕超昇如來說爲可憐憫者良由不知此法特異常途不擇賢愚不簡縑素不論修行久近不問造罪重輕但令決定信心卽是往生因種上已又云今淨土諸經並不言魔卽知此法無魔明矣山陰慶文法師正信法門辯之甚詳今爲具引彼問曰或有人云臨終見佛菩薩放光持臺天樂異香來迎往生並

是魔事此說如何答曰有依首楞嚴經修習三昧或發動陰魔有依摩訶衍論修習三昧或發動外魔魔謂也天有依止觀論修習三昧或發動時魅此等並是修禪定人約其自力先有魔種被定擊發故現此事儻能明識各用對治卽能除遣若作聖解皆被魔部上明此方入道則發魔事今約所修念佛三昧乃憑佛力如近帝王無敢干犯蓋由阿彌陀佛有大慈悲力大誓願

力大智慧力大三昧力大威神力大摧邪力
大降魔力天眼遠見力天耳遙聞力他心徹
鑑力光明徧照攝取衆生力有如是等不可
思議功德之力豈不能護持念佛之人至臨
終時令無鄣礙邪若不爲護持者則慈悲力
何在若不能除魔鄣者智慧力三昧力威神
力摧邪力降魔力復何在邪若不能鑑察被
魔爲障者天眼遠見力天耳遙聞力他心徹

鑑力復何在邪經云阿彌陀佛相好光明徧
照十方世界念佛衆生攝取不捨若謂念佛
臨終被魔障者光明徧照攝取衆生力復何
在邪况念佛人臨終感相出自衆經皆是佛
言何得貶爲魔境乎今爲決破邪疑當生正
信被上文又云一乘極唱終歸咸指於樂邦萬
行圓修最勝獨推於果號良以從因建願秉
志躬行歷塵點劫懷濟衆之仁無芥子地非

捨身之處悲智六度攝化以無遺內外兩財
隨求而必應機興緣熟行滿功成一時圓證
於三身萬德總彰於四字上又云況我彌陀
以名攝物是以耳聞口誦無邊聖德攬入識
心永爲佛種頓除億劫重罪獲證無上菩提
信知非少善根是多功德也上又云正念中
凡人臨終識神無主善惡業種無不發現或
起惡念或起邪見或生繫戀或發猖狂惡相

非一皆名顛倒因前誦佛罪滅鄣除淨業內
薰慈光外攝脫苦得樂一剎那間下文勸生
其利在此上慈雲法師云唯安養淨業捷直
可修若有四衆欲得速破無明永滅五逆十
惡重輕等罪當修此法欲得大小戒體還復
清淨得念佛三昧成就菩薩諸波羅蜜當學
此法欲得臨終離諸怖畏身心安快衆聖現
前授手接引初離塵勞便至不退不歷長劫

卽得無生當學此法等古賢法語能無從乎
已上五門略標綱要自餘不盡委在釋文按
開元藏錄此經凡有兩譯前本已亡今本乃
曷良耶舍譯僧傳云曷良耶舍此云時稱宋
元嘉初達于京邑文帝慈雲讚云了義中了
義圓頓中圓頓上大智唱云圓頓一乘純一
無雜上律宗戒度云佛名乃是積劫薰修攬
其萬德總彰四字是故稱之獲益非淺上律

宗用欽云今若以我心口稱念一佛嘉號則
從因至果無量功德無不具足上又云一切
諸佛歷微塵劫了悟實相不得一切故發無
相大願修無住妙行證無得菩提住非莊嚴
國土現無神通之神通故舌相徧於大千示
無說之說故勸信是經豈容心思口議邪私
謂諸佛不思議功德須臾收彌陀二報莊嚴
持名行法彼諸佛中亦須收於彌陀也上三

論祖師嘉祥云問念佛三昧何因能得滅如此多罪邪解云佛有無量功德念佛無量功德故得滅無量罪上法相祖師法位云諸佛皆德施名稱名即稱德德能滅罪生福名亦如是若信佛名能生善滅惡決定無疑稱名往生此有何惑上禪宗飛錫云念佛三昧善之最上萬行元首故曰三昧王焉上往生要集云雙卷經三輩之業雖有淺深然通皆云

一向專念無量壽佛三四十八願中於念佛門別發一願云乃至十念若不生者不取正覺四觀經極重惡人無他方便唯稱彌陀得生極樂上又云應依心地觀經六種功德一無上大功德田二無上大恩德三無足二足及以多足衆生中尊四極難值遇如優曇華五獨出三千大千世界六世出世間功德圓滿一切義依具如此等六種功德常能利益

一切衆生上巳依此六種功德信和尚云一應念一稱南無佛皆已成佛道故我歸命禮無上功德田二應念慈眼視衆生平等如一子故我歸命禮極大慈悲母三應念十方諸大士恭敬彌陀尊故我歸命禮無上兩足尊四應念一得聞佛名過於優曇華故我歸命禮極難值遇者五應念一百俱胝界二尊不並出故我歸命禮希有大法王六應念佛法衆

德海三世同一體故我歸命禮圓融萬德尊上巳又云波利質多樹華一日薰衣瞻蔔華波師迦華雖千歲薰所不能及上巳又云如一斤石汁能變千斤銅爲金雪山有草名爲忍辱牛若食者卽得醍醐尸利沙見昴星則出菓實上巳選擇本願念佛集源空云南無阿彌陀佛往生之業念佛爲本又云夫速欲離生死二種勝法中且闍聖道門選入淨土門欲入淨土門正雜

二行中且拋諸雜行，選應歸正行。欲修於正行，正助二業中猶傍於助業，選應專正定。正定之業者，卽是稱佛名，稱名必得生，依佛本願故。明知是非，凡聖自力之行，故名不廻向之行也。大小聖人重輕惡人皆同，齊應歸選擇大寶海，念佛成佛。是以論註曰：彼安樂國土，莫非阿彌陀如來，正覺淨華之所化生。同一念佛，無別道故。爾者獲真實行信者。

心多歡喜故是名歡喜地，是喻初果者。初果聖者尙睡眠，懶惰不至二十九，有何況十方群生海歸命斯行信者。攝取不捨故名阿彌陀佛。是曰他力，是以龍樹大士曰：卽時入必定。曇鸞大師云：入正定聚之數，仰可憑斯，專可行斯也。良知無德，號慈父能生，因闕無光明，悲母所生，緣乖能所，因緣雖可和合，非信心業識無到光明土。真實信業識斯則爲內

因光明名，父母斯則爲外緣，內外因緣和合，得證報土真身。故宗師言：以光明名號攝化十方，但使信心求念。又云：念佛成佛，是真宗。又云：真宗，叵遇也。可知凡就，往相廻向，行信行，則有一念亦信。有一念言行之一念者，謂就稱名，徧數顯開，選擇易行，至極。故大本言：佛語彌勒，其有得聞彼佛名號，歡喜踊躍，乃至一念當知此人爲得大利，則是具足無上。

功德。光明寺和尚云：下至一念。又云：一聲一念。又云：專心專念。智昇師集諸經禮懺儀，下卷云：深心卽是眞實信心。信知自身是具足煩惱，凡夫善根薄少，流轉三界，不出火宅。今信知彌陀本弘誓願，及稱名號，下至十聲聞等，定得往生。及至一念，無有疑心，故名深心。經言：乃至釋曰：下至，乃下其言，雖異其意，惟一也。復乃至者，一多包容之。言言大。

利者對小利之言言無上者對有上之言也
信知大利無上者一乘真實之利益也小利
有上者則是八萬四千之假門也釋云專心
者卽一心形無二心也云專念者卽一行形
無二行也今彌勒付囑之一念卽是一聲一
聲卽是一念一念卽是一行一行卽是正行
正行卽是正業正業卽是正念正念卽是念
佛則是南無阿彌陀佛也爾者乘大悲願船

浮光明廣海至德風靜衆禍波轉卽破無明
闇速到無量光明土證大般涅槃遵普賢之
德也可知安樂集云十念相續者是聖者一
數之名耳卽能積念凝思不緣他事使業道
成辨便罷亦不勞記之頭數也又云若久行
人念多應依此若始行人念者記數亦好此
亦依聖教上巳斯乃顯真實行明證誠知選擇
攝取之本願超世希有之勝行圓融眞妙之

正法至極無礙之大行也可知言他力者如
來本願力也論曰言本願力者示大菩薩於
法身中常在三昧而現種種身種種神通種
種說法皆以本願力起譬如阿修羅琴雖無
鼓者而音曲自然是名教化地第五功德相
至乃菩薩入四種門自利行成就應知成就者
謂自利滿足也應知者謂應知由自利故則
能利他非是不能自利而能利他也菩薩出

第五門迴向利益他行成就應知成就者謂
以迴向因證教化地果若因若果無有一事
不能利他也應知者謂應知由利他故則能
自利非是不能利他而能自利也菩薩如是
修五門行自利利他速得成就阿耨多羅三
藐三菩提故佛所得法名爲阿耨多羅三藐
三菩提以得此菩提故名爲佛今言速得阿
耨多羅三藐三菩提是得早作佛也阿名無

釋多羅名，上三藐名，正三名，徧菩提名，道統而譯之名，爲無上正徧道。無上者言此道窮理盡性，更無過者。何以言之，以正故。正者聖智也。如法相而知，故稱爲正智。法性無相，故聖智無知也。徧有二種：一者聖心徧知一切法，二者法身徧滿法界。若身若心，無不徧也。道者無礙道也。經言：十方無礙人，一道出生死。一道者，一無礙道也。無礙者，謂知生死卽

是涅槃。如是等，入不二法門，無礙相也。問曰：有何因緣，言速得成就阿耨多羅三藐三菩提？答曰：論言修五門行，以自利利他成就。故然。竅求其本，阿彌陀如來爲增上緣。他利之與利他談，有左右。若自佛而言，宜言利他。自衆生而言，宜言他利。今將談佛力，是故以利他言之。當知此意也。凡是生彼淨土，及彼菩薩人天所起諸行，皆緣阿彌陀如來本願力。

故何以言之。若非佛力。四十八願便是徒設。今的取三願。用證義意。願言。設我得佛。十方衆生。至心信樂。欲生我國。乃至十念。若不生者。不取正覺。唯除五逆。誹謗正法。緣佛願力。故十念念佛。便得往生。得往生。故即免三界輪轉之事。無輪轉。故所以得速。一證也。願言。設我得佛。國中。人天不住。定聚。必至滅度者。不取正覺。緣佛願力。故住正定聚。住正定聚。

故必至滅度。無諸回伏之難。所以得速。二證也。願言。設我得佛。他方佛土。諸菩薩衆。來生我國。究竟必至。一生補處。除其本願。自在所化。爲衆生。故被弘誓。鎧積累德本。度脫一切。遊諸佛國。修菩薩行。供養十方諸佛如來。開化恆沙無量衆生。使立無上正真之道。超出常倫諸地之行。現前修習普賢之德。若不爾者。不取正覺。緣佛願力。故超出常倫諸地之。

行現前修習普賢之德以超出常倫諸地之行現前故所以得速三證也以斯而推他力爲增上緣得不然乎當復引例示自力他力相如人畏三塗故受持禁戒受持禁戒故能修禪定以修禪定故修習神通以神通故能遊四天下如是等名爲自力又如劣夫跨驢不上從轉輪王行便乘虛空遊四天下無所障礙如是等名爲他力遇哉後之學者聞他

力可乘當生信心勿自局分也元照律師云或於此方破惑證真則運自力故談大小諸經或往他方聞法悟道須憑他力故說往生淨土彼此雖異莫非方便令悟自心言一乘海者一乘者大乘大乘者佛乘得一乘者得阿耨多羅三藐三菩提阿耨菩提者卽是涅槃界涅槃界者卽是究竟法身得究竟法身者則究竟一乘無異如來無異法身如

來卽法身究竟一乘者卽是無邊不斷大乘
無有二乘三乘二乘三乘者入於一乘一乘
者卽第一義乘唯是誓願一佛乘也涅槃經
言善男子實諦者名曰大乘非大乘者不名
實諦善男子實諦者是佛所說非魔所說若
是魔說非佛說不名實諦善男子實諦者一
道清淨無有二也又言云何菩薩信順一實
菩薩了知一切衆生皆歸一道一道者謂大

乘也諸佛菩薩爲衆生故分之爲三是故菩
薩信順不逆也又言善男子畢竟有二種一
者莊嚴畢竟二者究竟畢竟一者世間畢竟
二者出世畢竟莊嚴畢竟者六波羅蜜究竟
畢竟者一切衆生所得一乘一乘者名爲佛
性以是義故我說一切衆生悉有佛性一切
衆生悉有一乘以無明覆故不能得見也又
言云何爲一切衆生悉一乘故云何非一

說三乘故云何非一非非一無數法故上華嚴經言文殊法常爾法王唯一法一切無礙人一道出生死一切諸佛身唯是一法身一心一智慧力無畏亦然上爾者斯等覺悟皆以安養淨刹之大利佛願難思之至德也言海者從久遠已來轉凡聖所修雜修雜善川水轉逆謗闡提恒沙無明海水成本願大悲智慧真實恒沙萬德大寶海水喻之如海也

良知如經說言煩惱冰解成功德水上願海者不宿二乘雜善中下屍骸何況宿人天虛假邪偽善業雜毒雜心屍骸乎故大本言聲聞或菩薩莫能究聖心譬如從生盲欲行開導人如來智慧海深廣無涯底二乘非所測唯佛獨明了上淨土論曰何者莊嚴不虛作住持功德成就偈言觀佛本願力遇無空過者能令速滿足功德大寶海故不虛作住持

功德成就者，蓋是阿彌陀如來，本願力也。今當略示虛作之相，不能住持，用顯彼不虛作住持之義。至乃所言不虛作住持者，依本法藏菩薩四十八願，今日阿彌陀如來自在神力，願以成力，力以就願，願不徒然，力不虛設，力願相符，畢竟不差。故曰成就。又曰海者，言佛一切種智深廣無涯不宿，二乘雜善中下屍骸，喻之如海，是故言天人不動衆清淨智海。

生不動者，言彼天人成就大乘根，不可傾動也。上光明師云，我依菩薩藏頓教一乘海。又云，瓔珞經中說漸教，萬劫修功證不退，觀經彌陀經等說，卽是頓教。菩提藏上樂邦文類云，宗曉禪師云，袁丹一粒變鐵，成金真理。一言轉惡業成善業。上然就教念佛諸善，比校對論有難易對頓漸對橫豎對超涉對順逆對大小對多少對勝劣對親疎對近遠對深

淺對強弱對重輕對廣狹對純雜對徑迂對
捷遲對通別對不退對直辨因明對名號
定散對理盡非理盡對勸無勸對無間間對
斷不斷對相續不續對無上有上對上上下
下對思不思議對因行果德對自說他說對
廻不廻向對護不護對證不證對讚不讚對
付囑不付囑對了不了教對機堪不堪對選
不選對真假對佛滅不滅對法滅不滅對利

不利對自力他力對有願無願對攝不攝對
入定聚不入對報化對斯義如斯然按本願
一乘海圓融滿足極速無礙絕對不二之教
也亦就機對論有信疑對善惡對正邪對是
非對實虛對真偽對淨穢對利鈍對奢促對
豪賤對明闇對斯義如斯然按一乘海之機
金剛信心絕對不二之機也可知敬白一切
往生人等弘誓一乘海者成就無礙無邊最

勝深妙不可說不可稱不可思議至德何以
故誓願不可思議故悲願喻如大虛空諸妙
功德廣無邊故猶如大車普能運載諸凡聖
故猶如妙蓮華不染一切世間法故如善見
藥王能破一切煩惱病故猶如利劍能斷一
切憍慢鎧故如勇將幢能伏一切諸魔軍故
猶如利鋸能截一切無明樹故猶如利斧能
伐一切諸苦枝故如善知識解一切生死縛

故猶如導師善令知凡夫出要道故猶如涌
泉出智慧水無窮盡故猶如蓮華不染一切
諸罪垢故猶如疾風能散一切諸障霧故猶
如好蜜圓滿一切功德味故猶如正道令諸
群生入智城故猶如磁石吸本願因故如閻
浮檀金映奪一切有爲善故猶如伏藏能攝
一切諸佛法故猶如大地三世十方一切如
來出生故如日輪光破一切凡愚癡闇出生

信樂，故猶如君王勝出，一切上乘人，故猶如嚴父訓導，一切諸凡聖，故猶如悲母長生，一切凡聖報土真實，因故猶如乳母養育守護，一切善惡往生人，故猶如大地能持一切往生，故猶如大水能滌一切煩惱垢，故猶如火能燒一切諸見薪，故猶如大風普行世間，無所礙，故能出三有繫縛城，能閉二十五有門，能得真實報土，能辨邪正道路，能竭愚癡。

海能流入願海，乘一切智船，浮諸群生海，圓滿福智藏，開顯方便藏，良可奉持，特可頂戴也。凡就誓願有真實，行信亦有方便，行信其真實行，願者諸佛稱名，願其真實信，願者至心信樂，願斯乃選擇本願行信也。其機者則一切善惡大小凡愚也。往生者則難思議往生也。佛土者則報佛報土也。斯乃誓願不可思議一實真如海，大無量壽經之宗致他力。

真宗之正意也是以爲知恩報德披宗師釋言夫菩薩歸佛如孝子之歸父母忠臣之歸君后動靜非己出沒必由知恩報德理宜先啓又所願不輕若如來不加威神將何以達乞加神力所以仰告也爾者歸大聖真言閱大祖解釋信知佛恩深遠作正信念佛偈曰歸命無量壽如來南無不可思議光法藏菩薩因位時在世自在王佛所

覩見諸佛淨土因國土人天之善惡
建立無上殊勝願超發希有大弘誓
五劫思惟之攝受重誓名聲聞十方
普放無量無邊光無礙無對光炎王
清淨歡喜智慧光不斷難思無稱光
超日月光照塵刹一切群生蒙光照
本願名號正定業至心信樂願爲因
成等覺證大涅槃必至滅度願成就

如來所以興出世
五濁惡時群生海
能發一念喜愛心
凡聖逆謗齊廻入
攝取心光常照護
貪愛瞋憎之雲霧
譬如日光覆雲霧
獲信見敬大慶喜

唯說彌陀本願海
應信如來如實言
不斷煩惱得涅槃
如衆水入海一味
已能雖破無明闇
常覆真實信心天
雲霧之下明無闇
卽橫超截五惡趣

一切善惡凡夫人
佛言廣大勝解者
彌陀佛本願念佛
信樂受持甚以難
印度西天之論家
顯大聖興世正意
釋迦如來楞伽山
龍樹大士出於世

聞信如來弘誓願
是人名分陀利華
邪見憍慢惡衆生
難中之難無過斯
中夏日域之高僧
明如來本誓應機
爲衆告命南天竺
悉能摧破有無見

宣說大乘無上法，
顯示難行陸路苦，
憶念彌陀佛本願，
唯能常稱如來號，
天親菩薩造論說，
依修多羅顯真實，
廣由本願力廻向，
歸入功德大寶海。

證歡喜地生安樂，
信樂易行水道樂，
自然即時入必定，
應報大悲弘誓恩，
歸命無礙光如來，
光闡橫超大誓願，
為度群生彰一心，
必獲入大會衆數。

得至蓮華藏世界，
遊煩惱林現神通，
本師曇鸞梁天子，
三藏流支授淨教，
天親菩薩論註解，
往還廻向由他力，
惑染凡夫信心發，
必至無量光明土。

卽證真如法性身，
入生死菌示應化，
常向鸞處菩薩禮，
焚燒仙經歸樂邦，
報土因果顯誓願，
正定之因唯信心，
證知生死卽涅槃，
諸有衆生皆普化。

道綽決聖道難證
萬善自力貶勤修
三不三信誨慇懃
一生造惡值弘誓
善導獨明佛正意
光明名號顯因緣
行者正受金剛心
與韋提等獲三忍

唯明淨土可通入
圓滿德號勸專稱
像末法滅同悲引
至安養界證妙果
矜哀定散與逆惡
開入本願大智海
慶喜一念相應後
卽證法性之常樂

源信廣開一代教
專雜執心判淺深
極重惡人唯稱佛
煩惱障眼雖不見
本師源空明佛教
眞宗教證興片州
還來生死輪轉家
速入寂靜無爲樂

徧歸安養勸一切
報化二土正辯立
我亦在彼攝取中
大悲無倦常照我
憐愍善惡凡夫人
選擇本願弘惡世
決以疑情爲所止
必以信心爲能入

弘經大士宗師等 拯濟無邊極濁惡
道俗時衆共同心 唯可信斯高僧說
六十行已畢一百二十句

顯淨土真實行文類二

255
518

